

# Peyker



*Ebdilrihman Bamernî*

Hosa hemî peyker  
çavên wan dizil û nivîstî  
Ji hişyarbûnê derdikevin û  
diçine di xewnan da..!  
Nexşeyan wêne diken  
Nexşeyan didirînin  
Dergehan vediken  
Dergehan dûr û kilîl  
diden..  
Eve diçîvanokan jî da  
Pirça wan li ber xudîka  
dihate şekirin  
Rû yên wan dihatine  
mikiyaj kirin  
Rû yek bo hizirikirinê û  
pêvedanê  
Rû yek bo têrikirina hez û  
şehwetan!  
Hemî dûr bo peykeran  
divekirîne  
Giriyan... Qîjî..., û dişevan  
jî da  
Perda bêdengyê dihête  
ladan  
Digewiriya wan da  
Deng û qîjyên kiçan

Diselîqeyeka nû da  
Bi kêşe û serwa dihête  
belavkirin  
Hemî belavuk jî  
Digel vebûna pencereyên  
wan dihêne xandin  
Bêdengê û heşameta  
miruva  
Li ser cadeyên dirêj  
Dinav tariyatîya şevan da  
Dibine lê lê û  
Çavan di sojin  
Dengê muzîkeka kûra dûr  
Muzîkeka rûsa çiblaqe  
Ji jenîna leşekê jibîrikirî û  
Xardan digel şevan kirî  
Çûye ve dizîndana mêşkî  
da û maye ve peyker  
Bûyeve peyker û  
Liber sîngê me xazowkyê  
dike  
U cade ji bêhnên wê yên  
kurt  
Hemî tiştan jibîr dike!  
Wek hemû peyvên li ser  
pertûk û kaxezan

Hatîne nivîsandin û hatîne  
jibîrikirin..  
Barove heku dirabûna xwe  
da  
Dikevîte pêla û sîbera xwe  
jî dikete zivirok  
Xwe li fîrika polîsekê  
hatuçwê jî nagire  
Hemî ziman bi hiçik  
kurtyê piyasana diken û  
Hêj em yê li sîbera xwe  
digerîn  
Radihêlîne mêjwê  
Ew mêjwa ji peykeran  
destpêkirî û  
Em birîne di mêşkê  
peykeran da ve..  
Husan me li cadeyan  
Hemî tişt bi wêrekî digotin  
Çend xweş bo heku peyker  
bê cilik dihatine dîtin  
Me pê bo peykeran  
çêdikirin  
Kesê nediviya bimînît  
peyker û  
Dîsan hemiya viyan bibine  
peyker ve!  
Sêguşeyeka mêşkê min  
neşiyay xwe digel  
biguncîne  
Xewnên me yên diçin û  
Divên dibêdengyê da xwe  
lîs bikin  
Evebûn xewnên tablûyekê

serinişîf hatî ye hilawîstin  
Tablûyekê wermtî û ji  
hemû rexa jiber êk çwî  
Ewê peykerek têda hatî ye  
nimayşikirin  
Ew peykerê pirça wî li ber  
xudîka hatî ye şekirin  
Hejêkirina min bo tablwî  
Tariyatiya şevê ya xwe bi  
ser daday û  
Cilkên wê yên jiber  
diranidîn  
Ji hîngê were nim nima  
şevan bûye selîqe û di serê  
minda û  
Hêj ez û şir yê bi dev û  
lêvên êk ve  
Ne ew şir  
Li çî ziman û welat û  
qutabxanan  
Hatî ye xandin û wergêran  
û belavkirin!  
Nek ez jî wek şair  
Gotîne min dê bî ye  
peyker...